



Mennta- og menningarmálaráðuneytið

Sölvhólsögötu 4

101 Reykjavík

Reykjavík 4. febrúar 2021

Efni: Umsögn Landsambands ungmennafélaga um drög að stefnu um félags- og tómstundastarf barna og ungmenna 2020-2030, mál nr. 3/2021

Samfés fagna því að langþráð vinna sé farin af stað við að móta stefnu til lengri tíma um félags- og tómstundastarf barna og ungmenna. Fyrir alla fagaðila sem vinna á þessum vettvangi er nauðsynlegt að hafa skýra sýn og stuðning við starfsemi sem ætluð er börnum og ungmennum.

Við þökkum fyrir samráð hagsmunaaðila og þau tækifæri sem gefin eru til að koma að mótun stefnunnar með virkum hætti. Stjórn og starfsfólk hefur farið yfir drög að stefnu ásamt umsögnum sem hinir ýmsu aðilar hafa skilað inn. Það er mat okkar að nauðsynlegt sé að endurskoða Æskulýðslög frá 2007 til þess að lagfæra það misræmi sem er á milli stefnunnar og laganna eins og skýrt kemur fram í umsögn Landsambands ungmennafélaga (LUF) og aðrir hafa tekið undir.

Einnig er það mat okkar að mikilvægt sé að lögð sé vinna í að samræma og skilgreina hugtök og orðanotkun í ungmennastarfi. Við tökum undir með umsögn Landsambands ungmennafélaga (LUF) varðandi hugtakanotkun og að í lögum og stefnu í ungmennamálum sé mikilvægt að orða- og hugtakanotkun samræmist því sem notað er á vettvangi og sem ungt fólk getur tengt við.

Til þess að hægt sé að framfylgja faglegri stefnu til framtíðar er nauðsynlegt að auka fjármagn og tryggja jafna úthlutun. Með þessum hætti væri verið að tryggja jöfn tækifæri barna og ungmenna til þátttöku þar sem rekstrarumhverfi er óháð styrkjum og innkomu viðburða. Við myndu vilja í framhaldi sjá að starfsemi félagsmiðstöðva og ungmennahúsa yrði lögbundið og fjármagn til þess tryggt.

Mikilvægt að skilgreindur sé ábyrgðaraðili sem er í forsvari fyrir eftirfylgni, innleiðingu og framkvæmd stefnunnar.

Samfés fagna samstarfinu og eru landssamtökin ásamt fulltrúum beggja ungmennaráða tilbúin til þess að koma að áframhaldandi samtali, mótun og innleiðingu stefnunnar.

Virðingarfyllst f.h. Samfés, landssamtaka félagsmiðstöðva og ungmennahúsa.

Victor Berg Guðmundsson, framkvæmdastjóri Samfés.